
Se sünd to beduren

IN D' LUUR

Karin Böhmer

redaktion@on-online.de



De Lüü in de Raadhusen sünd to beduren. Se sallen sük an't Gesetz hollen un genau reken, dat nix to düür word. Se sallen mit de Lüü, de Geld in d' Hand nehmen willen, proten. Un denn noch genau dat in d' Wark setten, wat de Politik will. Daarbi mutten se ok noch in d' Oog hollen, wo se an de Moneten van Land, Bund un EU kamen. Un um dat, wat de Börgers willen, sall't ok noch gahn. Sturen Saak. Man dat giff't'n paar Projekten, daar giff't dat nix as Tegenstöten. Bi de Kaseern sitt Auerk nett tüsken Hamer un Knieptang. Geld ist daar, man dat mutt gau an d' Mann. Un is upstünds nix paraat, waar dat för utgeben worden kann. Wenn du so in d' Kniep sittst, hest du di wahrchtig en Pudel backt. Is'n bietje verdreht in Auerk: Knippke vull un Kopp löss.
